

玉海



040

1000:62

34870

玉海卷第一百六十

浚儀王應麟伯厚甫

宮室

殿下

唐麟德殿

舊紀高宗上元元年九月辛亥百僚具新服上宴於

麟德殿

殿在大明宮拾翠殿西

德宗正元四年三月甲寅宴群臣

於麟德殿設九部樂內出舞馬上賦詩一章羣臣屬

和

寧王憲傳明皇天性順睦雖讒說亂其間而卒

無以搖時有鵲鵠千數集麟德殿廷木翔棲浹日左

清道率府長史魏光乘作頌以爲天子友悌之祥帝喜亦爲作頌寧王尤謹畏未嘗干政而與人交帝益信重以書賜憲等曰魏文帝詩西山一何高高高殊無極上有兩仙童不飲亦不食賜我一丸藥光曜有五色服之四五日身體生羽翼朕每言服藥而求羽翼寧如兄弟天生之羽翼乎陳思王之材足以經國文帝絕其朝謁卒使憂死魏祚未終司馬氏奪之豈神邪虞舜捨象傲以親九族朕所歎慕也頃因餘得神方云餌之必壽此藥願與兄弟共之偕至於無極也

會要正元三年三月造會慶亭於

麟德殿前十年九月南詔使朝見於麟德殿上所錫

賚甚厚十二年二月己卯以寒食節御麟德殿內宴

於宰臣位後施漢名臣圖屏風仍題其嘉言美行于

下又永隆二年大子初立宴麟德殿長安元年日本使宴是殿正元中東蠻三王人朝宴是殿詳見

燕享四月庚午上降誕日會沙門道士兼儒官討論

三教於麟德殿十四年二月戊午上自制中和樂舞

百僚於麟德殿觀新樂十六年正月南詔進奉聖樂

舞御麟德殿以閏之元和十年閏新作指南車記里

鼓車於麟德殿十三年二月詔六軍使創修麟德殿

之右廊上御麟德殿對翰林學士張仲素段文目沈

傳師杜元穎

文宗開成三年十一月庚午於麟德殿開
宣學七柳公權丁居晦中丞

成四年正月御麟德殿對入朝賀正南詔三十七人

賜錦綵金銀帶衣服 穆宗紀長慶元年二月乙亥

觀樂于麟德殿癸卯擊鞠于麟德殿 列傳韋渠牟

正元十二年

四月庚午

德宗誕日召徐岱渠牟及佛老二

師並對麟德殿留問大趣渠牟有口辯雖於三家未

究解然問荅鋒生帝聽之意動

徐岱傳召岱及趙肅
許孟容韋渠牟講說

張茂昭自義武來朝

正元二年十月

從容言河朔事召

見麟德殿賜良馬甲第器幣 回紇德宗時請和親

詔使者見成安公主於麟德殿 趙昌對麟德殿

杜棕召見麟德殿

李光顏平蔡召對麟德殿賜予

蕃澤

田弘正元和十四年八月來朝對麟德殿眷

勞殊等引見僚佐將校二百餘人皆有班賜

王智

興文宗時入朝燕麟德殿

實錄永正元年六月景

申皇太子見四方使於麟德殿西亭元和二年二月

丁丑以寒食御麟德殿宴宰臣杜佑等七年正月癸

酉御麟德殿宴南詔渤海使乙酉宴涇原節

度使朱忠亮丁亥御麟德殿宴南詔使九年二月己

丑御麟德殿召見渤海使宴賜十三年正月御麟德

殿對韓公武賜銀器繒錦及馬二月辛酉御麟德殿

宴回鶻南詔使乙亥御麟德殿宴羣臣大合樂賜錦綵銀器九月癸巳御麟德殿對吐蕃使十四年正月癸未宴回鶻使三月乙酉以齊魯初平宴百僚于麟德殿宰臣裴度等舉觴獻壽七月甲申麟德殿宴宣武節度韓弘八月丁卯麟德殿宴魏博田弘正九月己亥麟德殿宴親王穆宗元和十五年二月庚寅對新羅渤海朝貢使于麟德殿宴賜九月辛酉御麟德殿宴李光顏愬賜錦綵銀瓶盤衣馬戊辰對吐蕃使于麟德殿宴賜長慶元年二月辛卯寒食御麟德殿賜百僚宴二年正月壬子宴渤海使八月壬午宴吐

蕃使十月壬子宴回紇使大和元年五月戊辰宴諸道端午使六年二月巳丑寒食宴羣臣七年三月庚戌宴回鶻開成二年正月癸巳宴南詔渤海使並於

麟德殿

兩京記金鑾西南曰長安殿長安北曰仙

居殿仙居西北口麟德殿此殿三面故以三殿各東

南西南有閣東西有樓內宴多於此大福殿在三殿

北拾翠殿在大福殿東南

案此麟德殿在拾翠西大福南仙居西北又名三殿

○音訓在右銀臺門北

漢有麒麟殿

後周有麟趾殿招集學士孝校圖籍

唐三殿

見上 三殿者麟德殿也。一殿而有三面，故名。亦曰

三院結隣爵儀樓，即三殿之東西廊也。

兩京新記：西京大明宮中

有麟德殿三面，元宗與諸王近內臣宴多於此殿。

開元元年十二月丁酉

以吐蕃遣大臣求和，命有司引吐蕃使宴于三殿。乾

元二年十二月戊申，宴蕃胡拓翔代宗寶應元年七

月辛丑，宴六軍將。八月己酉，宴奚契丹來朝。大曆二

年八月癸未，宴李抱玉、杜鴻漸、劉晏、衛伯玉。三年五

月戊午，宴劔南陳鄭神策將士三千五百人。六年十

一月，宴文單國王婆彌等二十五人。十年八月乙亥

宴宰臣至京兆尹。十三年正月甲戌，宴宰臣以下。二

月庚辰宴侍臣五品以上十四年二月壬辰燕百僚
癸巳宴至德已來勲臣子弟及藩邸舊臣子弟元和
八年五月戊午宴回鶻使寶曆元年三月壬子宴百
寮二年二月丁巳宴百官並於三殿 肅宗於三殿
觀樂 憲宗嘗閱月不賜對李絳謂大臣持祿有詔
明日對三殿 元祐十三年鳳翔節度李惟簡忠武
節度司空光顏邠寧尚書釗來朝上爲之燕三殿張
百戲公卿侍臣咸與 韓文 開成二十年春於三殿對
學士 獻替記 五年十二月會昌二年正月於三殿對
南詔 會要 咸通三年奉鄭太后宴于三殿命翰林

學士侍立結綺樓下傳杜審言有蓬萊三殿侍宴

詩李庾西都賦啓九重開三殿齒羣官於次坐召

公族於內宴

唐集賢殿 集仙殿

張說傳帝修說與禮官學士置酒集仙殿開元十三年四月丙

辰曰朕今與賢者樂於此當遂爲集賢殿乃下制改

麗正書院爲集賢殿書院會要開元十三年四月

五日因奏封禪儀注敕中書門下禮官學士等賜宴

集仙殿上曰今與卿等賢才同宴於此宜改集仙殿

爲集賢殿麗正書院爲集賢院乃下詔曰云云集

紀開元

十三年四月丁巳

云云同上

改院內五品

上爲學士六品已下爲直學士一百官志永泰時動
臣罷節制無職事皆待制于集賢門凡十三人
直彥範傳時武后處迎仙官之集仙殿

唐萬壽殿

見壽星壇

唐拾翠殿

六典拾翠殿在大明宮

杜甫詩賦詩拾翠殿佐酒

望雲亭

唐太同殿

六典大同殿在興慶宮金明門之北舊紀天寶七載三月乙酉大同殿柱生玉芝有神光照殿八載六月大同殿又產王芝一莖五行志天寶十載六月乙亥大同殿前鍾自鳴會要太和三年十月修南內大同殿及勤政樓明光樓

唐長生殿

樂志元宗幸驪山楊妃生日命張樂長生殿因奏新曲會要華清宮天寶元年十月辛丑造長生殿名

爲集仙臺以祀神張廷珪傳武后名見長生殿此

唐蓬萊殿

六典大明宮有蓬萊殿 兩京記蓬萊殿在紫宸殿
北 列傳李泌在蓬萊書院 段秀實大曆十三年
來朝對蓬萊殿代宗問所以安邊者畫地以對 許
康佐文宗觀書蓬萊殿問康佐李訓春秋之義 敬
宗寶曆元年八月己丑蓬萊殿會沙門道士

唐玉宸殿

見玉宸宮調

唐延英殿

六典大明宮宣政殿之左曰東上閣右曰西上閣次

西曰延英門其內之左曰延英殿右曰含象殿 按

延英實在東內正觀八年置永安宮明年曰大明宮龍

朔二年始大興葺曰蓬萊宮四月辛巳宮成獨是殿

經始史缺歲月會要上元二年七月甲辰延英殿御

坐梁上生玉芝

一莖三花上親製玉靈芝詩三章章八句

按五行志係肅

宗之上元韋述兩京記成於開元十年不書是殿至

三十六年六典書成歷歷維見然則創於開元中歟

兩京記不載而六典紀之開元中置可知

楊瑒傳元宗召對宰相議天下

戶版延英殿惟瑒

戶部侍郎

言利病尤詳

在封泰山前

按六典會要延英在西上閣之西而李庾賦乃曰左

閣當辰誤矣

李庚西都賦東則左閣當辰延英耽耽宜徽洞達溫室隅南接以重商繇以少

陽是為二官

會要穆宗元和十五年二月庚辰詔於

西上閣門西廊右畔

一作西廊內

開便門以通宰臣自閣

中赴延英路

示優禮也

則不在紫宸殿東矣

六典所記為

可信

初有大明卽有是殿召對大臣則始於代宗

苗晉卿傳代宗立

初卽位十月初

年老乞間日入政事堂

帝優之為御小延英召對宰相對小延英自晉卿始

代宗寶應元年九月壬午

御延英殿會羣臣議政事

自辰至午乃罷丙戌自辰至巳

韓臯曰延英之置

也肅宗以苗晉卿年老難步故設之耳

宰相晉卿對延英羣臣初無許

預之側韓臯為中丞有所陳必於紫宸上謂曰與卿

言不盡可來延英與卿從容則是特許其對也正元
元年十二月詔延英視事日令常參官七人對政得
失七年詔每御延英諸司官長奏本司事則百官許
對延英矣薛珪傳德宗延下情不達因詔延英坐日
許百司長官二員言得失謂之巡對十八
年詔有陳奏宜延英門請對勿令正衙奏事舊紀
正元七年十月癸丑詔每御延英令諸司官長二人
奏本司事尋又敕常參官每一日二人引見訪以政
事謂之巡對會要云訪以政事又引見常參官二
人訪政道謂之次對官十八年七月敕此來百官奉
事每於正衙至於移時自今以後不須於正衙奏事
如要陳奏事者並於延英進狀請對憲宗時元稹爲拾遺乞於延英訪
問舊紀元和元年四月壬戌武元衡請尚書省六品
已上職事官東官師傳賓詹王傳等每坐日令兩人